

Ein ander Eydt einer Stadt.

WIR glosen vnd schwehren bey vnserem höchsten Eyd-
de/vnd pflichten/bey verlust vnserer Seelen seligkeit / daß wir
den Herrn Burgermeister vnd Rath / zu bewahrung Ihrer
Statt R. dienen vnd folgen wollen/auff Züg vnd Wacht/für
vnd von dem Feinde/auff Scharmügeln/Stürmen/Schlachten : auff
Zhörnen/Ringmawren/einwendig vnd außserhalb der Statt/ wo vns
die HERN hin begehren/vnd die Kriegesnoth zu Tag vnd nacht erfor-
dert. So wollt wir bey der Gemeinen Burger schafft/vnser Leib vnd Le-
ben wagen/vnd bey der Statt halten vnd thun/ als getreue vnd Red-
liche Kriegsleuthe/so war vns GOTT helffe/sein Heiliges Wort/ Eu-
angelium/vnd die ganze Heilige Dreyfältigkeit. Das helffe vns GOTT/
Amen.

Ein Vrfriede/so man gefangne von dem Feind
bekompt / vnd dieselbe wieder
loß läßet.

WIR N. N. bekennen vnd sagen auß/vor jedermennig-
lich/daß wir dem Herzog oder Fürsten/2c. Vnserem gewesenen
Feldherrn/für Kriegsleuthe gedienet haben/vnd widder den
Durchleuchtigsten/Hochgebornen Fürsten vnd Herrn / Herren N. N.
von R. sampt Ihrer Churf. Gn. Landt vnd Leuthe gewesen/ vnd vns als
abgesagte Feinde vnd Kriegsleuth/gegen Ihre Churf. Gn. vnd alle die
jenigen/so Ihrer Churf. Gn. anhengig/verwandt oder vnderthänig seint/
gebrauchen lassen/Vnd nunmals von jetztgedachten vnserm gnedigsten
Churf. vnd Herrn/ Ihrer Churf. Gn. Hauptleuten vnd Kriegsvolck ge-
fangen worden/vnd mit gnaden eingezogen seint. Dieweil wir aber
auff vnser bitten vnd vnderthänig ansuchen/gerankionet/vnd nach Krie-
ges gebrauch von hochgedachtes vnseres Gnedigsten Herren Obristen vnd
Hauptleuten solln cassiert vnd loß gelassen werden/ gegen eines ernstern
vnd öffentlichen Eydes/mit bekräftigung des Vrfriedes/ solches nit zu-
rächen. So glosen vñ schwehren wir/ bey vnserer höchsten Seelen seligkeit/
vnd letzten hinfart/bey verlust Leibs vnd lebens/ vnd der Seelen : Das
wir vnserm vorgewesenen Herrn/in drey Monat zeit/nit dienen wollen.
Auch vns weder an Landt vñ Leuten/weder am geringsten noch am gro-
ßten/noch an allem/was vnserm Gnedigsten Herrn zugehörig/ verwandt
oder vnderthan ist/nit zurechen in aller ewigkeit/weder durch vns / noch
durch andere verschaffen: so war vns Gott helfff/ sein heiliges Wort vnd
Euangelium/Amen.

Ein